

1

Դատաւորներու «կառավարութեան օրերը՝ երկրին մէջ սով եղաւ. ուստի Յուդայի Բեթլեհէմէն մարդ մը Մովաբի դաշտավայրը պանդխտանալու գնաց, ինք, իր կինը եւ երկու որդիները: **2 Այդ** մարդուն անունը Ելիմելէք էր, կնոջ անունը՝ Նոյեմի, ու երկու որդիներուն անունները՝ Մահալոն եւ Զելլոն: Անոնք Եփրաթացի էին՝ Յուդայի Բեթլեհէմէն. Մովաբի դաշտավայրը գացին ու հոն ^բբնակեցան: **3** Նոյեմիի ամուսինը՝ Ելիմելէք մեռաւ, եւ ան իր երկու որդիներով մնաց: **4** Անոնք իրենց մովաբացի կիներ առին. մէկուն անունը Որփա էր, միւսին անունը՝ Հռուբ: Անոնք հոն տասը տարիի չափ բնակեցան, **5** ապա Մահալոն եւ Զելլոն՝ երկուքն ալ մեռան, ու կինը իր երկու զաւակներէն եւ ամուսինէն **գուրկ** մնաց:

ՆՈՅԵՄԻ ԵՒ ՀՈՌԻԹ ԿԸ ՎԵՐԱԴԱՌՆԱՆ ԲԵԹԼԵՇԷՍ

6 Յետոյ ան իր երկու հարսերով կանգնեցաւ՝ որ Մովաբի դաշտավայրէն վերադառնայ, քանի որ Մովաբի դաշտավայրին մէջ լսեր էր թէ «Տէրը իր ժողովուրդին այցելեր է՝ անոնց հաց տալով: **7** Ան իր եղած տեղէն ելաւ՝ երկու հարսերուն հետ, եւ Յուդայի երկիրը վերադառնալու համար ճամբայ ^դելան: **8** Նոյեմի իր երկու հարսերուն ըսաւ. «Գացէ՛ք, իւրաքանչիւրդ իր մօր տունը թող վերադառնայ. Տէրը ձեզի հետ կարեկցութեամբ թող վարուի, ինչպէս դուք մեռեալներուն ու ինծի հետ վարուեցաք: **9** Տէրը թող ^եշնորհէ ձեզի հանգստութիւն գտնել՝ իւրաքանչիւրդ իր ամուսինին տունը»: Զանոնք համբուրեց. անոնք ալ իրենց ձայնը բարձրացնելով լացին, **10** եւ անոր ըսին. «Մենք անպատճառ քեզի հետ քու ժողովուրդիդ պիտի վերադառնանք»: **11** Բայց Նոյեմի ըսաւ. «Վերադարձէ՛ք, աղջիկներս. ինչո՞ւ ինծի հետ պիտի երթաք: Միթէ իմ որովայնիս մէջ ուրիշ որդիներ^ր կան, որ ձեզի ամուսին ըլլան: **12** Վերադարձէ՛ք, աղջիկներս. գացէ՛ք, քանի ես ծերացած եմ՝ որ **դարձեալ** ամուսնանամ: Եթէ ըսէի. «Յոյս ունիմ^ք, այս գիշեր իսկ ամուսնանայի եւ որդիներ ալ ծնանէի, **13** մինչեւ անոնց մեծնալը պիտի սպասէի՞ք. դուք «ասոր համար առանց ամուսնանալու՞ պիտի մնայիք: Ո՛չ, աղջիկներս. արդարեւ ^զձեզի համար շատ» դառնացած եմ որ Տէրոջ ձեռքը ^աիմ վրաս ծանրացաւ»: **14** Անոնք իրենց ձայնը բարձրացուցին ու դարձեալ լացին: Յետոյ Որփա իր կեսուրը համբուրեց, բայց Հռուբ անոր յարեցաւ: **15** Նոյեմի ըսաւ. «Ահա՛ քու ներդ իր ժողովուրդին եւ աստուածներուն

^ա Եբր.՝ դատած

^բ Եբր.՝ եղան

^գ Եբր.՝ Եհովան

^դ Եբր.՝ գացին

^ե Եբր.՝ տայ

^զ Կամ՝ անոնց

^ա Կամ՝ ձեզմէ աւելի՝ ե՛ս

^բ Եբր.՝ ինծի դէմ դուրս ելաւ

վերադարձաւ. դո՛ւն ալ ներոջդ ետեւէն վերադարձիր»։ 16 Բայց Հռութ ըսաւ. «Ինծի մի՛ դիմեր որ քեզ թողում ու Քեզմէ հեռանամ», որովհետեւ ո՛ւր որ երթաս՝ հոն պիտի երթամ, եւ ո՛ւր որ գիշերես՝ հոն պիտի գիշերեմ. քու ժողովուրդդ իմ ժողովուրդս պիտի ըլլայ, ու քու Աստուածդ՝ իմ Աստուածս պիտի ըլլայ։ 17 Ո՛ւր որ մեռնիս՝ ես ալ հոն պիտի մեռնիմ, ու հոն պիտի թաղուիմ։ Տէրը ինծի այսպէս եւ ասկէ աւելին ընէ, եթէ մահէն ուրիշ բան մը զիս քեզմէ զատէ»։ 18 Երբ Նոյեմի տեսաւ թէ ան կը ժամառի իրեն հետ երթալ, անոր խօսելէ դադրեցաւ։

19 Երկուքը միասին քալեցին, մինչեւ որ Բեթլեհէմ հասան։ Երբ Բեթլեհէմ մտան, իրենց պատճառով ամբողջ քաղաքը իզգածուեցաւ, ու կիները կ'ըսէին. «Արդեօք ասիկա Նոյեմի՞ն է»։ 20 Ինք ալ անոնց ըսաւ. «Զիս Նոյեմի մի՛ կոչէք, զիս Սարա կոչեցէք. որովհետեւ Ամենակարողը զառնութեամբ լեցուց» զիս։ 21 Ես լեցուն գացի, բայց Տէրը զիս պարապ վերադարձուց։ Ինչո՞ւ զիս Նոյեմի կը կոչէք, քանի Տէրը զիս խոնարհեցուց», եւ Ամենակարողը զիս տրտմեցուց»։ 22 Այսպէս՝ Նոյեմի վերադարձաւ, իր հարսին՝ Մովաբացի Հռութի հետ, որ Մովաբի դաշտավայրէն հեռացած էր. անոնք գարիի հունձքին սկիզբը Բեթլեհէմ հասան։

ՀՌՈՒԹ Կ'ԱԾԽԱՏԻ ԲՈՈՍԻ ԱՐՏԻՆ ՄԷՋ

2

Նոյեմի՛ իր ամուսինին կողմէն ծանօթ մը ունէր. ան Ելիմելէքի գերդաստանէն էր ու շատ հարուստ մարդ մըն էր, եւ անոր անունը Բոոս էր։ 2 Մովաբացի Հռութ Նոյեմիի ըսաւ. «Կ'աղերսե՛մ, արտերը երթամ ու հասկեր քաղեմ անոր ետեւէն՝ որուն աչքերուն առջեւ շնորհք պիտի գտնեմ»։ Ան ալ իրեն ըսաւ. «Գնա՛, աղջիկս»։ 3 Ուստի գնաց, եւ արտի մը մէջ մտնելով՝ հնձողներուն ետեւէն հասկ քաղեց. դիպուածով պատահեցաւ որ ան Ելիմելէքի գերդաստանէն եղող Բոոսի արտին մէջ գտնուի։

4 Ահա՛ Բոոս Բեթլեհէմէն եկաւ, ու հնձողներուն ըսաւ. «Տէրը ձեզի հետ ըլլայ»։ Անոնք ալ պատասխանեցին. «Տէրը քեզ օրհնէ»։ 5 Բոոս հնձողներուն վերակացու եղող իր սպասաւորին ըսաւ. «Այս երիտասարդուհին որո՞ւնն է»։ 6 Հնձողներուն վերակացու սպասաւորը պատասխանեց. «Նոյեմիի հետ Մովաբի դաշտավայրէն վերադարձող մովաբացի երիտասարդուհին է։ 7 Ան մեզի ըսաւ. “Կ'աղերսե՛մ, որաներուն մէջ՝ հնձողներուն ետեւէն հասկ քաղեմ եւ ժողվեմ”։ Առտուն կանուխ եկաւ ու մինչեւ հիմա

^բ Եբր.՝ ետեւէն դառնամ

^գ Եբր.՝ ինքզինք կը գօրացնէ

^դ Եբր.՝ դղրդաց

^է Այսինքն՝ հաճելի

^զ Այսինքն՝ դառն

^ը Եբր.՝ չափազանց դառնացուց

^կ Եբր.՝ ինծի դէմ վկայեց

^լ Եբր.՝ ինծի չարիք ըրաւ

^ն Եբր.՝ արտի բաժինին

կայնած էր. **այժմ** քիչ մը նստած է տան մէջ»:

8 Բոնու Հռութի ըսաւ. «Մտի՛կ ըրէ, աղջի՛կս. **հասկ** քաղելու համար ուրիշին արտը մի՛ երթար, եւ ասկէ ալ մի՛ ^բհեռանար, հապա հոս՝ իմ սպասուհիներո՛ւս յարէ: **9** Աչքերդ անոնց հնձած արտին վրայ **թող** ըլլան, ու անոնց ետեւէ՛ն գնա: Ահա՛ ծառաներուն պատուիրեր եմ՝ որ քեզի չդպչին: Երբ ծարաւնաս՝ անօթներուն քո՛վ գնա, եւ ծառաներուն քաշած **ջուրէ՛ն** խմէ»: **10** Հռութ երեսին վրայ գետին ինկաւ, երկրպագեց, ու անոր ըսաւ. «Ի՞նչպէս քու ^գառջելոյ շնորհք գտայ որ զիս ճանչնաս, քանի ես օտարազգի եմ»: **11** Բոնու անոր պատասխանեց. «Քու ամուսինիդ մեռնելէն ետք ինչ որ կեսուրիդ ըրիր՝ բոլորն ալ պատմեցին ինծի, թէ ի՛նչպէս հայրդ, մայրդ եւ ^դծննդավայրդ թողուցիր ու եկար այն ժողովուրդին՝ որ ^եառաջուրնէ չէիր ճանչնար: **12** Տէ՛րը հատուցանէ քու արարքիդ **փոխարէնը**, եւ լիակատար վարձք տրուի քեզի Տէրոջմէն՝ Իսրայէլի Աստուծմէն, քանի որ դուն եկար՝ որպէսզի անոր թելերուն տակ ^զապաստանիս»: **13** Ան ալ ըսաւ. «Իմ տէ՛րս, քու աչքերուդ **առջել** շնորհք գտնեմ. արդարեւ դուն զիս մխիթարեցիր, եւ ստրկուհիիդ ^էքաղցրութեամբ խօսեցար, թէպէտ ես ստրկուհիներէդ մէկուն պէս ալ չեմ»: **14** Բոնու ճաշի ատեն անոր ըսաւ. «Հո՛ս մօտեցիր, հացէ՛ն կեր ու պատառդ քացախի՛ն մէջ թաթխէ»: Ուստի ան հնձողներուն քով նստաւ: Անոր բոհրած **ցորեց** տուաւ. ան ալ կերաւ, կշտացաւ, եւ ^բաւելցածը պահեց՝: **15** Երբ կանգնեցաւ՝ **հասկ** քաղելու, Բոնու իր ծառաներուն պատուիրեց. «Որաներուն մէջէն ալ թող քաղէ, ու զինք մի՛ խայտառակէք: **16** Խուրձերէ՛ն ալ անոր համար գետին ձգեցէք ու թողուցէ՛ք՝ որ քաղէ, եւ զինք մի՛ սաստէք»: **17** Ան մինչեւ իրիկուն այդ արտին մէջ **մնալով հասկեր** քաղեց, ու երբ քաղածը ծեծեց՝ մէկ արդուի չափ գարի եղաւ: **18** Զայն կրեց եւ քաղաքը մտաւ, ու կեսուրը անոր քաղածը տեսաւ: **Հռութ** իր կշտանալէն ետք ^բաւելցածը հանեց եւ անոր տուաւ:

19 Կեսուրը իրեն ըսաւ. «Այսօր ո՞ւր **հասկ** քաղեցիր եւ ո՞ւր աշխատեցար. քեզ ճանչցողը օրհնեա՛լ ըլլայ»: Ինք ալ իր կեսուրին իմացուց թէ որո՛ւ քով աշխատեր է՝ ըսելով. «Այն մարդը՝ որուն քով այսօր աշխատեցայ՝ Բոնու կը կոչուի՞»: **20** Նոյեմի իր հարսին ըսաւ. «Ան Տէրոջմէն օրհնեա՛լ ըլլայ, որ ողջերն ու մեռեալները իր կարեկցութենէն չգրկեց»: Նոյեմի անոր ըսաւ. «**Այդ** մարդը մեր մերձաւորն է, ան **մօս** իազգական է մեզի»: **21** Մովաբացի Հռութ ըսաւ. «Ան նաեւ ինծի ըսաւ. “Իմ ծառաներո՛ւս յարէ, մինչեւ որ անոնք ամբողջ հունձքս ււարտեն»»: **22** Նոյեմի իր հարսին՝ Հռութի

^բ Եբբ.՝ անցնիր

^գ Եբբ.՝ աչքերուդ

^դ Եբբ.՝ ծնունդի երկիրդ

^ե Եբբ.՝ երէկուրնէ ու նախորդ օրուրնէ

^զ Եբբ.՝ ապաւինիս

^է Եբբ.՝ սիրտին

^բ Եբբ.՝ թողուց

^բ Եբբ.՝ թողուցածը

^զ Եբբ.՝ անունը Բոնու է

^բ Եբբ.՝ փրկարար

ըսաւ. «Լա՛ւ է, աղջի՛կս, որ անոր սպասուհիներուն հետ դուրս ելլես, ու քեզ ուրիշ արտի մը մէջ 'չտեսնեն»: **23** Ուստի ան Բոոսի սպասուհիներուն յարեցաւ՝ որ **հասկ** քաղէ մինչեւ գարիի հունձքին եւ ցորենի հունձքին ակարտիլը, ու իր կեսուրին քով կը բնակէր:

ՀՌՈՒԹ ԿԸ ԳՏՆԷ ԱՄՈՒՍԻՆ ՄԸ

3

Հռուբի կեսուրը՝ Նոյեմի անոր ըսաւ. «Աղջի՛կս, քեզի "տուն մը չփնտռե՞մ, որպէսզի քեզի բարիք ըլլայ: **2** Հիմա Բոոս մեր ծանօթներէն չէ՞, որուն սպասուհիներուն քով էիր. ահա՛ անկկա այս գիշեր կալին մէջ գարին պիտի հոսէ: **3** Ուստի լուացուէ՛, **հոտաւէտ իւղո՛վ** օծուէ, հանդերձներդ՝ **հագիր** եւ կալը իջիր. մինչեւ որ ուտելն ու խմելը չաւարտէ, դուն քեզ այդ մարդուն մի՛ ճանչցներ: **4** Երբ պառկի, հասկցի՛ր անոր պառկած տեղը. ապա գնա՛, անոր ոտքերուն կողմէն **ծածկո՛ցը** բաց, ու պառկէ՛: Ինք քեզի պիտի իմացնէ թէ ի՛նչ ընելու ես»:**5** Հռուբ անոր ըսաւ. «Ամէն ինչ որ ինձի ըսիր՝ պիտի ընեմ»:

6 Կալը իջաւ, եւ կեսուրին իրեն ամբողջ պատուիրածին համաձայն ըրաւ: **7** Երբ Բոոս կերաւ, խմեց ու սիրտը զուարթացաւ, **գարիի** դէզին ծայրը պառկելու գնաց: **Հռուբ** ալ կամաց մը գնաց, անոր ոտքերուն կողմէն **ծածկոցը** բացաւ եւ պառկեցաւ: **8** Կէս գիշերին մարդը սարսռաց. դարձաւ, ու **տեսաւ թէ** ահա՛ իր ոտքերուն կողմը կին մը պառկած էր: **9** Ուստի ըսաւ. «Դուն ո՞վ ես»: Ան պատասխանեց. «Ես քու աղախինդ՝ Հռուբն եմ. քու քղանցքդ աղախինի՛դ վրայ տարածէ, քանի դուն **մօտ**՝ ազգականս ես»:**10** Ինք ալ ըսաւ. «Դուն Տէրոջմէն օրհնեա՛լ ըլլաս, աղջի՛կս. քու վերջին կարեկցութիւնդ՝ նախկինէն ակելի **մեծ** է, որովհետեւ չքաւոր կամ հարուստ երիտասարդներու ետեւէն չգացիր: **11** Հիմա, աղջի՛կս, մի՛ վախճար. քեզի պիտի ընեմ ամէն ինչ որ **ինձի** ըսես, քանի որ իմ՝ քաղաքիս ամբողջ ժողովուրդը՝՝ գիտէ թէ դուն առաքինի կին մըն ես: **12** Հիմա ես իրապէս **քու** ազգականդ եմ, բայց **ուրիշ** ազգական մըն **ալ** կայ՝ ինձմէ ակելի մօտ: **13** Այս գիշեր **հոս**՝ կեցիր. եթէ առտուն ան քեզ փրկէ, լա՛ւ, թող փրկէ: Բայց եթէ քեզ փրկելէն չախորժի, ե՛ս քեզ պիտի փրկեմ. Տէրը կ'ապրի՛: Մինչեւ առտու **հոս** պառկէ»:

14 Ուստի մինչեւ առտու անոր ոտքերուն կողմը պառկեցաւ, ու երբ **դեռ կարելի** չէր գիրար ճանչնալ՝ կանգնեցաւ: **Բոոս** ըսաւ. «Թող չգիտցուի թէ կալին մէջ կին մտեր է»:**15** Նաեւ ըսաւ. «Վրայի ծածկոցդ բե՛ր, ու զայն բռնէ՛»:**Հռուբ** զայն բռնեց, ինք ալ վեց **չափ** գարի չափեց եւ անոր վրայ դրաւ, ու քաղաք գնաց: **16** Երբ **Հռուբ** իր կեսուրին քով հասաւ, ան ըսաւ. «Ի՞նչպէս ես՝, աղջի՛կս»: Ինք ալ անոր պատմեց ամէն ինչ որ **այդ** մարդը իրեն ըրեր էր, **17** եւ ըսաւ. «Ինձի այս վեց **չափ** գարին տուաւ՝ ըսելով. "Քու կեսուրիդ պարապ մի՛ երթար□»: **18** Նոյեմի ըսաւ. «Աղջի՛կս, կեցի՛ր, մինչեւ որ գիտնաս թէ **այս** խնդիրը

¹ Երբ.՝ չհանդիպին

^ա Երբ.՝ հանգստավայր

^բ Երբ.՝ վրադ դիր

^գ Երբ.՝ փրկարարս

^դ Երբ.՝ ժողովուրդիս ամբողջ դուռը

^ե Երբ.՝ գիշերէ

^զ Կամ՝ ի՞նչ եղար

ի՛նչպէս պիտի էլրանայ. արդարեւ այդ մարդը պիտի չհանդարտի, մինչեւ որ այս խնդիրը այսօր չաւարտէ»:

ԲՈՈՍ Կ՛ԱՄՈՒՍԼԱՆԱՅ ՀՌՈՒԹԻ ՇԵՏ

4

Բոոս դուռը բարձրացաւ, ու հոն նստաւ. եւ ահա՛ այն «ազգականը՝ որուն մասին Բոոս խօսած էր՝ կ'անցնէր: **Բոոս** անոր ըսաւ. «Դո՛ւն, այս-անուն, Բեկո՛ւր, հո՛ս նստէ»: Ան ալ «գնաց ու նստաւ: **2 Բոոս** քաղաքին երէցներէն տասը մարդ առաւ, եւ **անոնց** ըսաւ. «Հո՛ս նստեցէք»: Անոնք ալ նստան: **3** Յետոյ այդ ազգականին ըսաւ. «Նոյեմի, որ Մովսբի դաշտավայրէն վերադարձած է, մեր եղբօր՝ Ելիմելէքի արտին բաժինը կը ծախէ: **4** Ես մտածեցի «քեզի իմացնել» ու ըսել. «Ձայն գնէ՛ բնակիչներուն առջեւ եւ իմ ժողովուրդիս երէցներուն առջեւ: Եթէ պիտի փրկես՝ փրկէ՛. բայց եթէ պիտի չփրկես, իմացո՛ւր ինծի՛՝ որպէսզի գիտնամ: Արդարեւ քեզմէ զատ փրկարար չկայ. ես քեզմէ ետք եմ»: Անկկա ըսաւ. «Ես պիտի փրկեմ»: **5** Յետոյ Բոոս ըսաւ. «Այն օրը՝ երբ Նոյեմիի ձեռքէն արտը գնես, մեռեալին կնոջմէն՝ Մովսբացի «Հռութէն ալ գնելու» ես, որպէսզի մեռեալին անունը հաստատես իր ժառանգութեան մէջ»: **6** Ազգականը ըսաւ. «Ես չեմ կրնար փրկել ինծի համար, որպէսզի ժառանգութիւնս չխաթարեմ: Իմ փրկագինս դո՛ւն էտուր՝ քեզի համար, քանի որ ես չեմ կրնար փրկել»: **7** Առաջ Իսրայէլի մէջ սա՛ սովորութիւնը կար.– փրկելու կամ փոխանակելու պարագային, ամէն արարք հաստատելու համար՝ մէկը իր կօշիկը կը հանէր ու միւսին կու տար. ասիկա Իսրայէլի մէջ վկայութիւն կ'ըլլար: **8** Ուստի ազգականը Բոոսի ըսաւ. «Դո՛ւն գնէ՛ քեզի համար», եւ իր կօշիկը հանեց:

9 Բոոս երէցներուն ու ամբողջ ժողովուրդին ըսաւ. «Դուք այսօր վկայ էք թէ ես Նոյեմիի ձեռքէն գնեցի Ելիմելէքի ամբողջ ունեցածը, եւ Զելլոնի ու Մահալոնի ամբողջ ունեցածը: **10** Մահալոնի կինը՝ Մովսբացի Հռութէն ալ ինծի համար ստացայ իբր կին, որպէսզի մեռեալին անունը հաստատեմ իր ժառանգութեան մէջ, եւ մեռեալին անունը իր եղբայրներէն ու Բնակարանին դռնէն չջնջուի. դուք այսօր վկայ էք»: **11** Դուռը եղող ամբողջ ժողովուրդը եւ երէցները ըսին. «Վկայ ենք: Տէրը քու տունդ մտնող կինը Ռաքէլի ու Լիայի պէս ընէ, որոնք երկուքը Իսրայէլի տունը կառուցանեցին: Դուն Եփրաթայի մէջ

^է Եբբ.՝ վիճակուի

^ա Եբբ.՝ փրկարարը

^բ Եբբ.՝ շեղի՛ր

^գ Եբբ.՝ շեղեցաւ

^դ Եբբ.՝ ըսի

^ե Եբբ.՝ ականջդ բանալ

^զ Կամ՝ Հռութէն ալ ստանալու

^է Եբբ.՝ փրկէ

^ը Եբբ.՝ պատճառով

^թ Եբբ.՝ տեղին

ՀՌՈՒԹԻ ԳԻՐԸԸ

ուժեղացի՛ր, եւ Բեթլեհէմի մէջ անունդ թող հռչակուի: **12** Զու տունդ Փարէսի տան պէս ըլլայ – որ Թամար ծնաւ Յուդայի – , այն զարմով՝ որ Տէրը քեզի պիտի տայ այս երիտասարդուհիէն»:

ԲՈՈՍ ԵՒ ԻՐ ԶԱՐՄԸ

13 Բոոս Հռուբը առաւ, եւ ան իր կինը եղաւ. երբ անոր մտաւ, Տէրը անոր թոյլատրեց որ յղանայ, ու որդի մը ծնաւ: **14** Կիները Նոյեմիի ըսին. «Օրհնեա՛լ ըլլայ Տէրը, որ այսօր քեզ առանց **մօտ** ազգականի չթողուց, որպէսզի անոր անունը Իսրայէլի մէջ ժիշուի: **15** Ան քու անձդ պիտի վերանորոգէ, եւ ակտորութեանդ նեցուկը պիտի ըլլայ. որովհետեւ զայն քեզ սիրող հարսդ ծնաւ, որ քեզի եօթը որդիէ աւելի լաւ է»: **16** Նոյեմի զաւակը առաւ, իր գիրկը դրաւ ու անոր դայեակը եղաւ: **17** Դրացի կիները անոր անունն Իդրին՝ ըսելով. «Նոյեմիի որդի մը ծնաւ», եւ անոր անունը Ուբէդ կոչեցին: Ան Դաւիթի հօր՝ Յեսսէի հայրը եղաւ:

18 Ահա՛ւասիկ Փարէսի ծնունդները.– Փարէս ծնաւ Եսրոնը, **19** Եսրոն ծնաւ Արամը, Արամ՝ ծնաւ Ամինադաբը, **20** Ամինադաբ ծնաւ Նաասոնը, Նաասոն ծնաւ Սաղմոնը, **21** Սաղմոնը ծնաւ Բոոսը, Բոոս ծնաւ Ուբէդը, **22** Ուբէդ ծնաւ Յեսսէն, եւ Յեսսէ ծնաւ Դաւիթը:

^d Եբր.՝ կոչուի

^h Եբր.՝ կոչեցին

^l Կամ՝ Րամը, Րամ